

შპს “სერვისი-7”

შპს „სერვისი-7“-ის ატრაქციონების პარკ „ციცინათელა“ს
დეკორაციის კონსტრუქციის აღდგენითი სამუშაოები

გამარტივებული ელექტრონული ტენდერის

სატენდერო დოკუმენტაცია

CPV - 45200000

ოზურგეთი,სოფ.ნატანები, შეკვეთილი 2016 წელი

სარჩევი

1. ინსტრუქცია ტენდერში მონაწილეობის მისაღებად ----- 3 გვ.
2. ტექნიკური დავალება ----- 5 გვ.
3. პრეტენდენტის მიერ წარმოსადგენი დოკუმენტები ----- 5-6 გვ.
4. დანართი 1 - რეკვიზიტების საილუსტრაციო ფორმა ----- 7 გვ.
5. შესყიდვის შესახებ ხელშეკრულების პროექტი ----- 8 გვ.

ინსტრუქცია ტენდერში მონაწილეობისათვის

1. ელექტრონული სახელმწიფო შესყიდვა ტარდება სახელმწიფო შესყიდვების ერთიან ელექტრონულ სისტემაში (შემდგომში - სისტემა);
2. სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების შესაბამისად.
3. სატენდერო წინადადება შედგება სატენდერო წინადადების ფასისგან და ტექნიკური დოკუმენტაციისგან.
4. ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით, გარდა საკვალიფიკაციო მონაცემების დამადასტურებელი დოკუმენტებისა.
5. პრეტენდენტის მიერ ერთიან ელექტრონულ სისტემაში ატვირთული ყველა დოკუმენტი უნდა იყოს ხელმოწერილი უფლებამოსილი პირის მიერ და დამოწმებული ბეჭდით.
6. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ეროვნულ ვალუტაში.
7. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.
8. სატენდერო წინადადება, ასევე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის პრიორიტეტის მინიჭების საკითხს წყვეტს სატენდერო კომისია.
9. ალტერნატიული სატენდერო წინადადების წარმოდგენა არ არის დაშვებული.

10. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

11. სატენდერო დოკუმენტაციის შესახებ დამატებითი ინფორმაცია და განმარტებები შეგიძლიათ მიიღოთ შემდეგი საკონტაქტო პირისაგან:

სატენდერო კომისიის თავმჯდომარე:

თემურ ჯიბლაძე

ტელ: 599161024

ელ. ფოსტა: servisi-7@hotmail.com

ტექნიკური დოკუმენტაცია

შესყიდვის ობიექტი – შპს „სერვისი-7“-ის ატრაქციონების პარკ „ციცინათელა“-ს დეკორაციის კონსტრუქციის აღდგენითი სამუშაოების შესყიდვა;

მისამართი - ოზურგეთი, ნატანები,შეკვეთილი;

სამუშაოს შესრულების ვადები – ხელშეკრულების გაფორმებიდან 30 (ოცდაათი)

კალენდარული დღის განმავლობაში;

დაფინანსების წყარო –შპს „სერვისი-7“-ის საკუთარი შემოსავლები.

სახარჯთაღრიცხვო დოკუმენტაციის თანახმად, სამუშაოების საერთო სავარაუდო ღირებულება განსაზღვრულია 12000 (თორმეტიათასი) ლარით.

სამუშაოების შესრულების პროცესში გამოსაყენებელი მასალები უნდა იყოს უმაღლესი ხარისხის და შეესაბამებოდეს ამ სფეროში აღიარებულ სტანდარტებს.

შემსყიდველს შეუძლია მოითხოვოს შესაბამისობის სერტიფიკატი გამოსაყენებელ მასალებზე.

მასალების ტიპი უნდა შეთანხმდეს შემსყიდველთან.

შემოთავაზებული ფასი უნდა მოიცავდეს სამუშაოს შესრულებასთან დაკავშირებულ ყველა ხარჯს, კანონმდებლობით გათვალისწინებულ ყველა გადასახადს.

განხორციელებულ სამუშაოებზე უნდა გავრცელდეს შემდეგი საგარანტიო ვადა არანაკლებ 3 (სამი) წელი.

პრეტენდენტის მიერ სისტემაში ასატვირთი მონაცემები:

1. პრეტენდენტის რეკვიზიტები (დანართი N1-ს მიხედვით);

2. ხარჯთაღრიცხვა (მოცემული EXCELL-ის ფაილის მიხედვით);

4. სამუშაოს განხორციელების ვადები გეგმა-გრაფიკის სახით;

5. ინფორმაცია შესრულებული სამუშაოს გარანტიის შესახებ;

6. ინფორმაცია სამუშაოების დროს გამოსაყენებელი ყველა ძირითადი მასალის შესახებ (დასახელება, მოდელის/მარკის, მწარმოებელი ფირმის და წარმოშობის ქვეყნის მითითებით).

ამასთან, ვაჭრობის შედეგად ფასის ცვლილების შემთხვევაში შემოთავაზებული მასალის შეცვლა სხვა უფრო დაბალი ხარისხის ანალოგიური საქონლით დაუშვებელია.

7. ინფორმაცია ანალოგიური საქმიანობის გამოცდილების შესახებ (პრეტენდენტს 2014-2015 წლებში უნდა გააჩნდეს ანალოგიური სამუშაოების ჩატარების გამოცდილება);

8. ინფორმაცია ანალოგიურ საქმიანობაში პრეტენდენტის ბრუნვის შესახებ (2014-2015 წლების განმავლობაში ჯამში უნდა შეადგენდეს არანაკლებ 100 000 (ასი ათასი) ლარს);

ანგარიშსწორების პირობები:

ანგარიშსწორება მოხდება უნაღდო ანგარიშსწორებით ლარში.

ანგარიშსწორება განხორციელდება სამუშაოს დასრულების შემდეგ, სამუშაოს შესრულების შესახებ შესაბამისი დოკუმენტაციის წარგენიდან 20 (ოცი) დღის ვადაში.

შენიშვნა

- გამარჯვებულმა პრეტენდენტმა ხელშეკრულების გაფორმებამდე უნდა წარმოადგინოს ფასების გაანგარიშება ვაჭრობის შედეგად დაფიქსირებულ საბოლოო ფასზე, რომელიც წარმოადგენს ხელშეკრულების განუყოფელ ნაწილს.

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

მომსახურე ბანკის დასახელება:

ბანკის კოდი:

ანგარიშის ნომერი:

ხელის ხელმოწერა, ბეჭედი _____

ხელშეკრულება
სამუშაოების შესყიდვის შესახებ

„____“ „____“ წელი

ოზურგეთი

ერთის მხრივ შპს „სერვისი-7“ (შემდგომში „შემსყიდველი“) წარმოდგენილი მისი დირექტორის ნინო ჩხაიძის სახით და მეორეს მხრივ _____ (შემდგომში „მიმწოდებელი“) წარმოდგენილი მისი _____ სახით, „სახელმწიფო შესყიდვების შესახებ“ საქართველოს კანონის და გამარტივებულ ელექტრონულ ტენდერში (SPA _____) გამარჯვებული პრეტენდენტის სატენდერო წინადადების საფუძველზე, დებენ წინამდებარე ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1. „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.3. „შემსყიდველი“ - ორგანიზაცია, რომელიც ახორციელებს შესყიდვას;

1.4. „მიმწოდებელი“ – პირი, რომელიც ახორციელებს მომსახურების გაწევას ამ ხელშეკრულების ფარგლებში;

1.5. „დღე“, „კვირა“, „თვე“ - კალენდარული დღე, კვირა, თვე;

1.6. „სამუშაო“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი;

1.7. „ინსპექტირება“ - ხელშეკრულების პირობების შესრულების კონტროლი და ზედამხედველობა;

2. ხელშეკრულების საგანი

2.1. ხელშეკრულების საგანს წარმოადგენს შპს „სერვისი-7“-ის ატრაქციონების პარკ „ციცინათელა“ს დეკორაციის კონსტრუქციის აღდგენითი სამუშაოები. (CPV 45200000).

3. სამუშაოს შესრულების პირობები

3.1. შპს „სერვისი-7“-ის ატრაქციონების პარკ „ციცინათელა“ ს დეკორაციის კონსტრუქციის აღდგენითი სამუშაოები

ხარჯთაღრიცხვის (დანართი 1) და გეგმა-გრაფიკის (დანართი 2) მიხედვით.

3.2. ხელშეკრულების დამდებ არც ერთ მხარეს არა აქვს უფლება შეიტანოს დანართი 1-ში ცვლილებები მეორე მხარესთან შეთანხმების გარეშე.

3.3. სამუშაოს შესრულების ადგილი – ოზურგეთი ნატანები შეკვეთილი

3.4. სამუშაოს შესრულების ვადა - ხელშეკრულების გაფორმებიდან _____.

4. სახელშეკრულებო ღირებულება

4.1. საერთო სახელშეკრულებო ღირებულება შეადგენს _____ ლარს.

4.2. ხელშეკრულების ღირებულება მოიცავს როგორც სამუშაოს ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ ყველა გადასახადს.

5. ანგარიშსწორების პირობები

5.1. ანგარიშსწორება მხარეთა შორის ხორციელდება უნაღდო ანგარიშსწორების წესით, მიმწოდებლის მიერ მითითებულ საბანკო ანგარიშზე.

5.2. შესრულებულ სამუშაოზე ანაზღაურება იწარმოებს _____ ეტაპად.

5.3. შესრულებულ სამუშაოზე ანგარიშსწორება განხორციელდება მიმწოდებლის მიერ ხელშეკრულებით გათვალისწინებული სამუშაოს სრულად დამთავრების შემდეგ. ანგარიშსწორებისათვის მიმწოდებელი წარმოადგენს სამუშაოს შესრულების დამადასტურებელ დოკუმენტს (ფორმა N2). მხარეებს შორის ფორმდება საბოლოო მიღება-ჩაბარების აქტი.

5.7. მეორე ეტაპზე შესრულებულ სამუშაოზე ანგარიშსწორებას შემსყიდველი განხორციელებს მიღება-ჩაბარების დამადასტურებელი დოკუმენტების გაფორმებიდან და საგადასახადო ანგარიშ-ფაქტურის წარმოდგენიდან 20 (ოცი) დღის განმავლობაში.

6. სამუშაოს ხარისხი

6.1. მიმწოდებელი იძლევა გარანტიას, რომ მის მიერ შესრულებული სამუშაო იქნება სამშენებლო ნორმებისა და საერთაშორისო სტანდარტების შესაბამისი, წინააღმდეგ შემთხვევაში იგი ვალდებულია უზრუნველყოს გამოვლენილი ხარვეზების აღმოფხვრა;

6.2. სამუშაოების შესრულების პროცესში გამოსაყენებელი მასალები უნდა იყოს უმაღლესი ხარისხის და შესაბამისობაში ამ სფეროში აღიარებულ სტანდარტებთან. შემსყიდველს შეუძლია მოითხოვოს შესაბამისობის სერტიფიკატი გამოსაყენებელ მასალებზე.

6.3. მასალების ტიპი და მახასიათებლები (ხარისხი, ფაქტურა) უნდა შეთანხმდეს შემსყიდველთან.

7. მხარეთა უფლება-მოვალეობები

7.1. შემსყიდველი უფლებამოსილია:

7.1.1. აწარმოოს მიმწოდებლის მიერ ნაკისრი ვალდებულებების შესრულებისა და გაწეული მომსახურების ხარისხის კონტროლი;

7.1.2. განაცხადოს უარი დაგვიანებით მიწოდებული, უხარისხო (წუნდებული) ან არასრული მოცულობით შესრულებული სამუშაოს მიღებაზე;

7.1.3. ჩაატაროს ინსპექტირება, რისთვისაც გამოყოფს უფლებამოსილ პირს, საჭიროების შემთხვევაში ჩაატაროს ხარისხის კონტროლი, რისთვისაც

შესაძლებელია მოწვეულ იქნეს ექსპერტი.

7.2. შემსყიდველი ვალდებულია:

7.2.1. მოახდინოს ანგარიშსწორება მიმწოდებელთან წინამდებარე ხელშეკრულების მე-5 მუხლით გათვალისწინებული პირობებით;

7.2.2. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.3. მიმწოდებელი უფლებამოსილია:

7.3.1. მიიღოს შესრულებული სამუშაოსათვის ხელშეკრულებით გათვალისწინებული ანაზღაურება;

7.4. მიმწოდებელი ვალდებულია:

7.4.1. სამშენებლო ნორმებისა და წესების სრული დაცვით უზრუნველყოს ხარჯთაღრიცხვით გათვალისწინებული სამუშაოების შესრულება.

7.4.2. გეგმა-გრაფიკის შესაბამისად სამუშაოთა შესრულება განახორციელოს ხელშეკრულებით დადგენილ ვადებში.

7.4.3. დაუყოვნებლივ აცნობოს “შემსყიდველს” ხელშეკრულებით გათვალისწინებული ვალდებულებ(ებ)ის შეუსრულებლობისა და/ან ხელისშემშლელ დაბრკოლებათა შესახებ. წინააღმდეგ შემთხვევაში “მიმწოდებელს” ეკისრება სრული პასუხისმგებლობა;

7.4.4. “შემსყიდველს” გადასცეს მე-6 პუნქტით გათვალისწინებული გარანტიის ფურცელი სამუშაოს დასრულებიდან 3 (სამი) სამუშაო დღის განმავლობაში. უზრუნველყოს შესრულებულ სამუშაოზე გამოვლენილი დეფექტებისა და ნაკლოვანების აღმოფხვრა საკუთარი ხარჯით;

7.4.5. განუხრელად და ჯეროვნად შეასრულოს ხელშეკრულების პირობები იმ ვადაში, რომელიც მითითებულია წინამდებარე ხელშეკრულებაში;

7.4.6. ხელი შეუწყოს შემსყიდველს ინსპექტირების ჩატარების დროს.

8. ინსპექტირება

8.1. შემსყიდველის მიერ ხელშეკრულების ინსპექტირება განხორციელდება ხელშეკრულების მოქმედების პერიოდში, შემსყიდველის მოთხოვნების შესაბამისად;

8.2. ინსპექტირებას განახორციელებს მთ. ინჟინერი თემურ ჯიბლაძე.

8.3. შემსყიდველის შესაბამისი წარმომადგენლის (წარმომადგენლები, მოწვეული ექსპერტი) მიერ ხარისხის კონტროლის ჩატარების შემთხვევაში თუ აღმოჩნდება წუნდებული მომსახურება, შემსყიდველი აცნობებს მიმწოდებელს წერილობით ამის შესახებ, ხოლო მიმწოდებელი ვალდებულია წერილობითი შეტყობინებიდან დაუყოვნებლივ გამოასწოროს წუნი.

9. ხელშეკრულებაში ცვლილებების შეტანა

9.1. არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა;

9.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი

ვალდებულია წერილობით შეატყობინოს მეორე მხარეს შესაბამისი ინფორმაცია;

9.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით დადგენილი შემთხვევებისა;

9.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, შესაძლებელია გაიზარდოს სახელშეკრულებო ღირებულება არაუმეტეს სახელმწიფო შესყიდვის შესახებ ხელშეკრულების ჯამური ღირებულების 10 (ათი) პროცენტისა;

9.5. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის (შეთანხმება) სახით, რომელიც ჩაითვლება ხელშეკრულების განუყოფელ ნაწილად.

10. ხელშეკრულების პირობების შეუსრულებლობა

10.1. ხელშეკრულების პირობების არაჯეროვანი შესრულების ან/და დაგვიანებით შესრულების შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0,3%-ს ოდენობით;

10.2. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან;

10.3. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს, შემსყიდველს უფლება აქვს შეწყვიტოს ხელშეკრულება.

11. დაუძლეველი ძალა (ფორს – მაჟორი)

11.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის (ფორს–მაჟორი) ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ;

11.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ; წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

11.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

12. სადაო საკითხების გადაწყვეტა

12.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოავგარონ ყველა უთანხმოება

და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ;

12.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს.

13. ხელშეკრულების ვადა

13.1. წინამდებარე ხელშეკრულება ძალაში შედის მხარეთა ხელმოწერის დღიდან და მოქმედებს 2016 წლის _____.

14. განსაკუთრებული პირობები

14.1. მხარეები თანხმდებიან, რომ ის ურთიერთობანი, რომელიც არ იქნა მოწესრიგებული წინამდებარე ხელშეკრულებით, რეგულირდება საქართველოს მოქმედი კანონმდებლობით;

14.2. ხელშეკრულება შედგენილია ქართულ ენაზე, 3 (სამი) ეგზემპლარად და თითოეულ მათგანს იურიდიული ძალა აქვს;

14.3. ხელშეკრულების ერთი ეგზემპლარი ეგზავნება „მიმწოდებელს“, ხოლო ორი ინახება შემსყიდველ ორგანიზაციაში.

15. მხარეთა ხელმოწერები და რეკვიზიტები

შემსყიდველი:

მიმწოდებელი: